

# МИЛЛИЙ МАФКУРА — БУ ХАЛҚНИНГ, МИЛЛАТНИНГ ЎТДА ЁНМАЙДИГАН, СУВДА ЧЎКМАЙДИГАН ЎЛМАС ЭЪТИҚОДИДИР.

## Ислом КАРИМОВ

Газета 1997 йил  
27 августдан чиқа  
бошлаган

2000 йил,  
14-20 июнь, № 23 (139)



*У кулмаса баҳор келмас, қушлар учмас,  
Қизармайди адирларнинг лолалари.  
Бу дунё хуш офтобларга тўлиб кетар,  
Кулганида ўзбегимнинг болалари.*

*Нурга тўлиб кириб келди янги ҳаёт,  
Омон бўлгин янги авлод, соғлом авлод.*

*Қилиқлари губорингни ўлдиради,  
Эркаси у, эртаси у ўз элимнинг.  
Қучоқласанг қувончларга тўлдиради,  
Мунча суюк болалари ўзбегимнинг.*

*Нурга тўлиб кириб келди янги ҳаёт,  
Омон бўлгин янги авлод, соғлом авлод.*

Муҳаммад ИСМОИЛ

ГАЛЛА — 2000

## КАМЧИЛИКЛАРГА ЭЪТИБОР ҚАРАТИЛДИ

Республикаимиз галлакорлари етилган дон ҳосилини саранжомлаб олишга киришдилар. Бутун ҳосилни нест-нобуд қилмасдан ўз вақтида йиғиштириб олиш энг муҳим вазифалардан биридир. Бу ишда республика прокуратура идоралари ходимлари ҳам яқиндан иштирок этмоқдалар.

Галлани қисқа вақт ичида нобудгарчиликсиз йиғиштириб олишни таъминлаш бўйича тузилган республика прокуратураси ишчи гуруҳлари фаолият кўрсатмоқда.

Қорақалпоғистон бўйича ишчи гуруҳи Нукусда шу масалага бағишланган йиғилишда галла ўрими-йиғимининг дастлабки яқунларини муҳожама қилди.

Йиғилишда туман ҳокимлари,

тегишли вазирилик, қишлоқ ва сув хўжалиги идоралари раҳбарлари ва мутахассислари иштирок этди.

Ишчи гуруҳи раҳбари, республика прокуратураси умумий назорат бошқармаси бошлиғининг ўринбосари М.Қиёмов галлани ўриш, топшириш ва сақлашда айрим туманларда йўл қўйилаётган камчиликларга эътиборни қаратди.

Жумладан, Беруний туманининг Махтумқули, Беруний номли дехқон-фермер хўжаликлари уюшмаларида донни етилмасдан ўриб, хўл ва ифлон ҳолда топшириш фактлари аниқланган. Бундай камчиликларга Элликқалъа ва Тўрткўл туманларида ҳам йўл қўйилмоқда.

Галлани ёнғиндан сақлаш борасида олиб борилган тайёргарлик

ишлари ҳам талаб даражасида эмас. Доннинг талон-тароҳ қилинишига йўл қўймаслик қазасидан кечиктириб бўлмайдиган ишларни амалга ошириш талаб этилади.

Йиғилишда сўзга чиққан Қорақалпоғистон Республикаси Жўкорги Кенгеси раиси Т.Қамолов галла ўрими-йиғимида иштирок этаётган ишчиларга ҳар томонлама шарт-шароит яратиш, уларни моддий ва маънавий рағбатлантириш мутасадди раҳбарларнинг диққат марказида бўлмоғи лозимлигини таъкидлади.

Йиғилишда шунингдек Қорақалпоғистон Республикаси прокурори Х.Халимов иштирок этди.

(Ўз мухбиримиз)

МУЛОҲАЗА ВА ТАКЛИФ

## ИНСОН ХУҚУҚЛАРИ ВА ПРОКУРАТУРА

Ўзбекистон Конституциясининг 35-моддасида фуқароларнинг давлат идораларига мурожаат қилиш ҳуқуқи ўз ифодасини топган. Бу конституцион қонданинг тадрижий ва мантиқий давоми сифатида қабул қилинган «Фуқароларнинг мурожаатлари тўғрисида»-ги Қонун ҳар бир шахснинг давлат органлари, жамоат бирлашмалари, корхона, муассаса, ташкилотларга мурожаат қилиш ҳуқуқини акс эттирвчи асосий тартиб-қоидаларни белгилаб беради.

Қонуннинг 18-моддасида ҳуқуқий давлатнинг муҳим белгиси - кишиларнинг хат, ариза ва шикоятларини хал этиш, фуқароларнинг бузилган ҳуқуқларини тиклаш, қонуний манфаатларини ҳимоя қилиш, ҳуқуқбузарларни жавобгарликка тортиш чора-тадбирларини кўриш прокуратура органлари зиммасига юклатилганлиги кўрсатилган.

Прокурор «Прокуратура тўғрисида»-ги Қонуннинг 10-моддасига мувофиқ ҳам ҳар бир ариза ва шикоятни қараб чиқиш асосида фуқаролар ҳамда ташкилот, корхона ва муассасаларнинг ҳуқуқ ва ваколат-

ларини таъминлашга даъват этилган.

Бундай ариза ва шикоятлар прокурор текширувдини ўтказишга асос бўлиши мумкин.

Назоратнинг бу соҳасида ўзини «жабрланган» деб ҳисобловчиларга уларнинг ҳуқуқ ва эркинликларини ҳимоя қилиш тартиби ва усуллари тўғрисида тушунтириш беришда ифодаланувчи прокурор ваколатларининг мавжудлиги характерлидир. Авваломбор, прокурор ҳуқуқлари бузилган фуқарога ҳуқуқларини тиклаш ваколатига эга

(Давоми 2-бетда)

ТАҲЛИЛ

Яқинда республика прокуратурасининг мувофиқлаштирувчи кенгашида ўғирлик, босқинчилик ва талончилик жиноятлариغا қарши курашнинг ташкил этилиши, бу турдаги жиноятларнинг олдини олиш, фош этиш, тергов қилиш ва жазо муқаррарлигининг аҳволи таҳлил қилиб чиқилди.

## ЖИНОЯТНИ ЯШИРИШ ҲАМ ЖИНОЯТ

Бу йўналишда қилинган ижобий ишларга қарамай 1999 йилда республика бўйича жами содир этилган жиноятлар 1998 йилга нисбатан 9,4 фоизга, оғир ва ўта оғир жиноятлар 8,1 фоизга кўпайган.

Жиноятларнинг олдини олиш мақсадида маҳалла навбатчилари фаолияти йўлга қўйилгани яхши гап. Бу саъй-ҳаракатлар ўз мевасини бераёпти. Чунки биргина ҳуқуқни муҳофаза қилувчи идораларнинг кучи билан жиноятчиликнинг илдиизига болта уриб бўлмайдми. Жамоатчи ташкилотлар, кўнгилчиларнинг куч ва имкониятларидан фойдаланишимиз лозим.

Бу ишда участка нозирлари ташаббусни ўз қўлларига олишлари керак. Кейинги пайтларда жинорий гуруҳлар ўз режаларини амалга ошириш мақсадида турли ўқотар қуроллардан ҳам фойдаланишяпти. Бу ҳолатлар фуқароларимизнинг қаттиқ ташвишлинишига сабаб бўлмоқда. Аввало, қурол-яроғларни сақлаш, ишлатишнинг қонунийлигини мунтазам текшириб бориш, рухсатномасиз қуролларнинг сакланишига йўл қўймаслиги-

(Давоми 3-бетда)

## ПРОКУРАТУРА УЧУН ЯНГИ БИНО

Хушxabар

Нукус шаҳрида прокуратура ходимлари учун яна бир қулайлик яратилди. Бу ерда Ҳарбий прокуратура учун янги бино қурилиши ниҳоясига етказилди.

Янги бинонинг очилиш маросимида Ўзбекистон Республикаси Бош прокурорининг ўринбосари — Республика Ҳарбий прокурори Баҳодир Дехқонов иштирок этди.













